



UNIVERSITÄTS-
BIBLIOTHEK
PADERBORN

Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

44. Lambertus Atrebatensis Episcopus monasterium Canonicorum regularium, ab Heldemaro presbytero, eiusq[ue] discipulo Conone in Aridagamantia, nunc Aroasia, aedificari coeptum, sua auctoritate ...

urn:nbn:de:hbz:466:1-10903

CAPVT XLIV.

Lambertus Atrebatensis Episcopus monasterium, ab Heldemaro presbytero eiusque discipulo Conone in Aridagamantia, nunc Aroasia, edificari ceptum, sua auctoritate confirmat anno 1097.

IN nomine Patris, & Filij, & Spiritus sancti, vnus veri & summi Dei, amen. Ego LAMBERTVS, Dei miseratione Atrebatensis Episcopus, gaudens de religiosa conuersatione tua, reuerendissime frater & compresbyter CONO, desiderio desideramus paci & quieti tuae, tam presentibus temporibus quam futuris, prouidere.

In aduentu enim tuo, & bonae memoriae domini HELDEMARI, magistri & confacerdotis tui, in Aridagamantia, in parochia nostra, quae dicitur *Rochennies*, locum vobis ad seruiendum Deo elegistis; qui sicut aliquando fugiendus, velut spelunca latronum, fuit, nunc per Dei visitationem & tuam, & fratrum tecum habitantium, factus est refugium & solatium ibi transeuntium.

Vnde & te in eo, quo es, loco & ordine, & successores tuos, religiosè & canonicè inibi victuros, hac donamus libertate, vt tantum Episcopo respondeatis, & in manu eius, in libertate spiritus permaneat.

Contradimus etiam tibi, & per te legitimis successoribus tuis, cum fratribus inibi religiosè & absque proprietate viuentibus atque victuris, in augmentum pacis & quietis, loci tui praedictam parochiam *Rochennies*, sub respectu duodecim denariorum in caena Domini, ad seruitium Episcopi.

Si autem aliquando, quod absit, antiquo hoste instigante, in praedicto loco vel parochia, tale quid acciderit, pro quo reconciliatio necessaria fuerit, tibi legitimisque successoribus tuis, vice nostra, accepta aqua sanctificationis & reconciliationis, vt ea reconcilies, religioni vestrae annuimus & impertimus.

Si autem praedictus locus, largiente Domino, ad tantam copiam rerum, & seruorum Dei ibi commorantium, excreuerit, vt Praelatum eligere debeant, liberam habeant potestatem, cum consilio & auctoritate Atrebatensis Episcopi, eligendi sibi magistrum & dominum,

minum, iuxta timorem Dei & instituta sanctorum Canonum. Postmodum verò deducatur ante Episcopum, & accipiat temporale beneficium loci, & curam animarum, & prælationis benedictionem.

Rogamus ergò in Domino, tam præsentem fratrem nostros, quàm & successores Episcopos nostros, & sanctorum Canonum auctoritate interdiximus, & nostra, ne quis hoc donatium libertatis violare aut corrumpere præsumat. Siquis scienter huius nostræ institutionis priuilegium infregerit, excommunicationi subiaceat.....

Actum Atrebatum in Synodo, in basilica B. Mariæ semper Virginis, Dominæ nostræ, anno videlicet Dei Christi M. XCVII. Indictione 1097. V. XII. Kal. Nouembris.

NOTATIONES.

Cono) presbyter, eiusque magister Heldemarus, auctores ac conditores fuisse cœnobij Aroasiensis: à quo postea viuendi formulam & nomen accepit reformatam Congregatio Aroasiensis Canonico-regularium: de qua Iacobus Vitriacus in Historia sua Occidentali agit, & nos in Chronico Canonico-regularium.

ARIDAGAMANTIA) hodie est Aroasia, vulgò *Eroage*.

CAPVT XLV.

Wenemarus Castellanus Gandensis fundat Abbatiam Canonico-regularium in Burnehem, Flandriae municipio, circa annum 1100.

IN nomine sanctæ & indiuiduæ Trinitatis. Ego WENEMARVS Gandensis Castellanus ecclesiam apud *Burnehem*, cum membris suis, videlicet *Haueslesdunck* & *Hingen*, feci libertate donari: ita vt Canonici inibi manentes duos presbyteros, non de claustro, sed alios officio congruos, apud *Haueslesdunck* constituent, quemadmodum tempore aui mei, imò ab ipso auo meo *Fulcardo* sub banno confirmatum est, vnum qui apud *Burnehem*.....

Notandum sanè, quia ad vsus Canonico-regularium ibidem regularium omnes decimas de *Martinesforthe* ad *Burnehem* pertinentes, & v-

M. 3

num